

PAPER NAME

**1.B.5.1. geografia- Vol 10 -2014- Kegers
angan_.pdf**

WORD COUNT

5056 Words

CHARACTER COUNT

28904 Characters

PAGE COUNT

14 Pages

FILE SIZE

2.7MB

SUBMISSION DATE

Jun 20, 2023 10:01 AM GMT+8

REPORT DATE

Jun 20, 2023 10:02 AM GMT+8

● 19% Overall Similarity

The combined total of all matches, including overlapping sources, for each database.

- 18% Internet database
- Crossref database
- 6% Submitted Works database
- 3% Publications database
- Crossref Posted Content database

● Excluded from Similarity Report

- Bibliographic material
- Manually excluded text blocks
- Manually excluded sources



Menganalisis aras kegersangan di Provinsi Sulawesi Selatan dengan menggunakan kaedah Thornthwaite

Shaharuddin Ahmad¹, Rosmini Maru^{1,2}, Abdul Mollah Jaya², Wahidah Sanusi²

¹Pusat Pengajian Sosial, Pembangunan dan Persekutaran, Fakulti Sains Sosial dan Kemanusiaan, Universiti Kebangsaan Malaysia,

²Fakultas Matematika dan Ilmu Pengetahuan Alam, Universitas Negeri Makassar, Indonesia

Correspondence: Shaharuddin Ahmad (email: shah@ukm.edu.my)

Abstrak

Kajian ini bertujuan menyelidik dan menganalisis aras kegersangan yang berlaku di seluruh Provinsi Sulawesi Selatan, Indonesia bagi tempoh 10 tahun (1999 – 2008) mengikut masa dan ruang. Data suhu, kerpanas dan sejat-peluh daripada 66 stesen kajicuaca di seluruh Sulawesi Selatan telah dianalisis. Nilai Indeks Kegersangan kemudiannya dikira dengan menggunakan kaedah imbangair yang telah dikemukakan oleh Thornthwaite-Mather. Dengan menggunakan Teknik Poligon Thiessen, nilai indeks kegersangan telah diplot mengikut kawasan. Hasil kajian mendapati aras kegersangan di Provinsi Sulawesi Selatan telah diklasifikasikan kepada tiga kelas iaitu indeks kegersangan rendah (< 16.7%) yang meliputi daerah Gowa dan Bone di bahagian Selatan, Luwu Utara dan Luwu Timur di bahagian Utara manakala Pinrang dan Enrekang dibahagian tengah. ¹ Sementara itu, indeks kegersangan tinggi (> 33.3%) tersebar pada wilayah Palopo di bahagian utara, Sidrap dan Wajo di bahagian tengah, Makassar, Takalar, Jeneponto, Bulukumba dan Selayar di bahagian selatan manakala daerah lain menunjukkan nilai indeks kegersangan yang sederhana (16.7 – 33.3%). Umumnya, faktor utama berlakunya keadaan kersang di Provinsi Sulawesi Selatan ini adalah curahan hujan yang amat kurang dalam tempoh yang lama dan suhu udara yang berpanjangan tinggi sehingga kadar sejat-peluh yang tinggi. Dengan keadaan ini menyebabkan banyak kawasan pertanian terutamanya yang bergantung semata-mata kepada air hujan gagal menghasilkan hasil pertanian.

Katakunci: aras kegersangan, curahan hujan, Indeks Kegersangan, kaedah Thornthwaite, teknik Poligon Thiessen, tekstur tanah

An spatio-temporal analysis of aridity levels in South Sulawesi using the Thornthwaite method

Abstract

This study a spatio-temporal investigation and analysis of ² the level of aridity for the whole of the South Sulawesi Province, Indonesia for the 10 years period (1999 – 2008). Temperature, precipitation and evapotranspiration data for the 66 meteorological stations throughout the South Sulawesi were analysed by using the water balance technique based on which the aridity index as proposed by Thornthwaite-Mather was then calculated. The calculated values of the aridity indices were then spatially plotted by ¹⁹ using the technique of Poligon Thiessen. The results showed that the level of aridity in the South Sulawesi Province can be classified into three levels i.e., the low level of aridity index (< 16.7%) which was calculated for the districts of Gowa and Bone in the south, North Luwu and South Luwu in the north, and Pinrang and Enrekang in the middle region. The high index of aridity (> 33.3%) was calculated for the district of Palopo in the north, Sidrap and Wajo in the middle, and Makassar, Takalar, Jeneponto, Bulukumba and Selayar in the south. Other districts had shown a medium level of aridity index(16.7 – 33.3%). In general, the main factor of the aridity phenomenon in the South Sulawesi Province was the lack of rainfall and the

prevalence of high temperatures for a longer period which in turn produced high rates of evapotranspiration. It was observed that in these conditions all agricultural areas which were solely dependent on natural rainfall failed to produce harvests.

Keywords: aridity index, aridity level, Poligon Thiessen technique, rainfall, soil texture, Thornthwaite method

Pendahuluan

Kegersangan adalah satu proses iklim yang banyak merujuk kepada peningkatan keadaan kering bagi sesuatu kawasan. Ia melibatkan perubahan sesuatu keadaan fizikal alam khususnya iklim yang bersifat jangka panjang dan bukannya berdasarkan perubahan musiman. Di samping itu, ia sering diukur sebagai pengurangan dalam purata kandungan air tanah. Salah satu kaedah mengukur darjah kegersangan bagi sesuatu kawasan ialah menggunakan Indeks Kegersangan (IK). Indeks kegersangan ini boleh ditakrifkan sebagai kadaryang ditentukan berdasarkan perbezaan Antara jumlah kerpanas tahunan dengan jumlah potensi sejat-peluhuan (Thornthwaite, 1948; UNEP, 1997). Seandainya kedua-dua pembolehubah ini sama maka tidak akan berlaku keadaan banjir atau kemarau keranaimbangan air bersifat seimbang.

Kemarau adalah fenomena semulajadi yang berlaku dan dikaitkan dengan kesediaaan sumber air yang berkurangan di sesuatu kawasan geografi yang luas bagi satu tempoh masa kejadian yang lama (Rossi, 2000). Lazimnya, kemarau adalah fenomena tempatan yang disifatkan oleh tiga perkara iaitu intensiti, tempoh kejadian dan juga frekuensi yang boleh memberi kesan ketara terhadap ekonomi, alam sekitar¹⁷ dan juga masyarakat yang terlibat (Chen et al., 2001; Wang, 2005; Tsakiris & Vangelis, 2005; Wang et al., 2010; Van Vliet & Zwolsman, 2008; Nastos et al., 2013). Berasaskan ini maka kemarau boleh dibezakan di antara tiga jenis iaitu kemarau meteorologi, hidrologi dan pertanian (Shaharuddin, 2001).

² Kejadian kemarau atau keadaan kering ini boleh berlaku di mana-mana sahaja di dunia ini baik di kawasan garis lintang rendah maupun di kawasan sederhana tinggi atau kawasan yang mengalami sebarang jenis iklim dunia (Chow, 1964). Sungguhpun begitu, kawasan yang mengalami iklim gurun sudah pasti akan mengalami keadaan gersang yang berpanjangan dan berlarutan lamanya berbanding dengan kawasan yang beriklim tropika seperti Indonesia. Dalam keadaan dunia mengalami perubahan iklim yang ketara masa kini maka sudah tentu kejadian kemarau berlanjutan tidak dapat dielakkan. Sebagai contoh, Sulawesi Selatan telah mengalami musim kemarau yang berpanjangan daripada bulan April 2009 hingga bulan November 2009. Dengan keadaan ini telah menyebabkan hasil pertanian di kawasan berkaitan tidak atau kurang dapat dihasilkan dengan jayanya.

Kesan fenomena kamarau ini bukan sahaja menyebabkan pertanian tidak menjadi malahan memberi juga kesan kepada perkara-perkara lain. Misalnya, kemarau yang panjang boleh juga menyebabkan kebakaran hutan serta menyebabkan perubahan ekosistem habitat haiwan seperti berkembangnya hama belalang. Keadaan ini pernah berlaku di beberapa tempat di Kepulauan Indonesia seperti¹ Halmahera, Kalimantan Timur, Sumatera, Pulau Sumba dan Sulawesi Selatan iaitu pada tahun 1990, 1997 dan 1998 (Rosmini, 2001, 2002a, 2002, 2009).

Salah satu kaedah yang sering digunakan oleh penyelidik bagi mengkaji tahap kemarau atau kekeringan¹ ialah kaedah Indeks Kegersangan (IK) (Arora, 2002; Pravallie, 2013; Lungu, Panaitescu & Niță, 2011). Menurut Thornthwaite (dalam Liaco, 1985) ada tiga parameter indeks iklim iaitu Indeks Lembapan (IM), Indeks Kelembapan (IH) dan Indeks Kegersangan (IK). Pengiraan dilakukan dengan menggunakan kaedah imbangan air sebagaimana yang diperkenalkan oleh Thornthwaite dan Mather (1957). Meskipun kaedah ini sudah lama diperkenalkan namun konsepnya masih tetap digunakan hingga ke hari ini (Rosmini, 2005, 2008; Rudiyatni, 1994). Justeru, pendekatan imbangan air ini adalah salah satu aspek penting dalam hidrologi yang bermanfaat dalam menyelesaikan pelbagai masalah hidrologi baik secara teori maupun praktik (Sudibyakto, 1985). Melalui pendekatan imbangan air ini memungkinkan kita untuk menilai sumberjaya air secara kuantitatif dengan segala perubahannya sebagai akibat daripada pengaruh aktiviti manusia (Sokolov & Chapman dalam Sudibyakto, 1985).


Berdasarkan fenomena yang diuraikan di atas ini, maka tujuan artikel ini adalah untuk mengira dan menganalisis tahap kegersangan mengikut masa dan ruang yang berlaku di Provinsi Sulawesi Selatan bagi tempoh 10 tahun iaitu dari tahun 1999 hingga 2008. Di samping itu, kajian ini juga cuba mengenalpasti punca kejadian gersang di kawasan yang dikaji.

Kawasan dan kaedah kajian

Kawasan kajian

Kajian ini dijalankan di seluruh Provinsi Sulawesi Selatan yang terletak antara garis lintang $0^{\circ} 12'$ dengan $8^{\circ}S$ dan antara garis bujur $116^{\circ} 48'$ dengan $122^{\circ} 36'W$ (Rajah 1). Sempadan kawasan kajian di sebelah utara adalah Sulawesi Tengah dan Sulawesi Barat, di sebelah Timur pula terletak Teluk Bone dan Sulawesi Tenggara manakala di sebelah barat bersempadankan Selatan Makassar dan di sebelah selatan bersempadankan Laut Flores. Luas kawasan yang dikaji adalah $45,519.24 \text{ km}^2$ yang meliputi 20 Kabupaten dan tiga Kota.

Menurut klasifikasi Köppen Sulawesi Selatan mengalami iklim jenis ‘Am’ iaitu iklim monsun tropika yang memiliki dua musim yang ketara dalam setahun iaitu musim kemarau dan musim hujan. Purata suhu tahunan adalah $27.5^{\circ}C$ dengan bulan Oktober yang terpanas ($28.2^{\circ}C$) manakala bulan Februari yang tersejuk ($26.8^{\circ}C$). Jumlah kerapan tahunan di Makassar adalah di sekitar 3,086.1 mm. Secara purata, bulan Januari merekodkan jumlah kerapan bulanan yang tertinggi iaitu 734.1 mm manakala bulan Ogos merekodkan jumlah hujan yang paling kurang iaitu di sekitar 15.2 mm sahaja. Secara keseluruhannya, jumlah hari-hari hujan adalah 187 hari dengan bulan Januari merekodkan hari hujan yang paling banyak iaitu 27 hari manakala bulan Ogos hanya sekitar 2 hari.



Rajah 1. Provinsi Sulawesi Selatan sebagai kawasan kajian

Alat dan bahan pemerhatian

Alat yang digunakan dalam kajian ini terbahagi kepada dua iaitu alat yang digunakan di lapangan dan alat yang digunakan di makmal. Alat yang digunakan di lapangan terdiri daripada alat menguji tanah (*soil test kit*), bekas plastik, alat tulis menulis dan kamera. Sampel tanah yang diambil selanjutnya dianalisis di makmal untuk mengetahui tekstur tanah. Tekstur tanah ini digunakan untuk menentukan nilai guna tanah atau keupayaan menampung air (*water holding capacity, WHC*). 12 1

Selain itu, pelbagai bahan sekunder telah digunakan dalam kajian ini seperti data curahan hujan, data suhu, peta pentadbiran Provinsi Sulawesi Selatan, peta stesen hujan Sulawesi Selatan dan peta jenis guna tanah bagi seluruh Provinsi Sulawesi Selatan. Bahan-bahan sekunder yang lain termasuklah buku, jurnal, laporan dari pejabat kerajaan dan juga pihak swasta serta persendirian.

Kaedah Poligon Thiessen telah digunakan bagi memplot taburan nilai indeks kegersangan di seluruh kawasan kajian.⁵ Kaedah ini menggunakan arahan GIS-Polygon Thiessen yang terdapat dalam *Extension CWRW Vector* (Shaharuddin & Noorazuan, 2010). Poligon yang dibentuk adalah berdasarkan garis yang mempunyai jarak yang sama di antara stesen-stesen kajicuaca yang digunakan.

Pengumpulan data

14 Kajian ini menggunakan data sekunder dan data primer. Data sekunder yang digunakan termasuklah Peta Rupa Bumi Sulawesi Selatan yang berskala 1 : 250,000 tahun 200; Peta Tanah Sulawesi Selatan berskala 1 : 100,000 tahun 2008; Peta Penggunaan tanah Sulawesi Selatan berskala 1 : 100,000 tahun 2008; Data kedudukan lokasi stesen hujan; Data hujan selama 10 tahun (1999-2008); Data suhu udara selama 10 tahun (1999-2008); Data arah angin selama 10 tahun (1999-2008); Data kelembapan udara selama 10 tahun (1999-2008); Peta pentadbiran Sulawesi Selatan berskala 1 : 250,000 dan maklumat guna tanah tahun 2008. Selain itu, data primer digunakan untuk pengenalan keadaan Provinsi Sulawesi Selatan; Data tumbuhan litupan bumi untuk menentukan kedalaman akar tumbuhan; Pengambilan profil tanah untuk menentukan tekstur bagi menentukan nilai keupayaan menakung air (WHC).

Analisis data

15 Data yang digunakan dalam kajian ini meliputi kerpasar/curah hujan (P), suhu udara (T), penggunaan tanah, tumbuhan litup bumi, tekstur tanah dan guna tanah untuk menentukan indeks kegersangan dengan menggunakan kaedah Thornthwaite (1948).

Penentuan tekstur tanah dilakukan dengan mengambil sampel secara langsung di lapangan dan kemudian diuji di makmal. Analisis tekstur tanah dijalankan di makmal bagi mendapatkan nilai WHC. Selanjutnya faktor iklim antara lain suhu udara, curah hujan dan WHC untuk mendapatkan nilai Defisit (D). Thornthwaite merumuskan indeks kegersangan sebagai berikut:

Di mana,

Ia = indeks kegersangan

D = kekurangan air

PE= sejat-peluhan potensi

Hasil pengiraan ini kemudian diklasifikasikan ke dalam tiga tahap kegersangan iaitu: (1) sedikit atau tanpa kekurangan air, (2) tahap kekurangan air sederhana, dan (3) tahap kekurangan air tinggi (Jadual 1).

Jadual 1. Tingkat kegersangan menurut Thornthwaite

Indeks Kegersangan (%)	Tingkat Kegersangan
0 – 16.7	Sedikit atau tanpa kegersangan air
16.7 – 33.3	Kekurangan air sederhana
> 33.3	Kekurangan air tinggi

Sumber: Ilaco (1985).

Pelbagai faktor yang digunakan untuk mengenalpasti indeks kegersangan di kawasan kajian. Untuk mengetahui bagaimana korelasi di antara pelbagai faktor iaitu suhu udara dan curahan hujan, maka dilakukan analisis statistik korelasi dengan menggunakan rumus seperti berikut:

$$r = \frac{\sum_{i=1}^n (x_i - \bar{x})(y_i - \bar{y})}{\sqrt{\sum_{i=1}^n (x_i - \bar{x})^2} \sqrt{\sum_{i=1}^n (y_i - \bar{y})^2}}$$

Di mana:

r = koefisien korelasi

x = nilai curahan hujan

y = nilai suhu udara

\bar{x} = nilai purata curahan hujan

\bar{y} = nilai purata suhu udara

n = bilangan cerapan

Hasil kajian dan perbincangan

Hubungan antara kerpasan, suhu udara dengan Indeks Kegersangan di Provinsi Sulawesi Selatan

Kajian kegersangan yang telah dilakukan oleh Rosmini (2001, 2005, 2008) di Pulau Sumba Nusa Tenggara Timur (NTT) mengenalpasti pelbagai faktor yang berkesan terhadap kegersangan pada kawasan tersebut. Antara faktor yang telah dikenalpasti termasuklah curahan hujan atau kerpasan, suhu udara, sejat-peluhuan, tekstur tanah dan bentuk muka bumi (morfologi). Apabila dikaji dengan mendalam mengenai persamaan kedua-dua kawasan, maka dikenalpasti bahawa apa yang berlaku di Pulau Sumba juga berlaku di Provinsi Sulawesi Selatan. Pelbagai faktor yang berkesan terhadap kejadian kegersangan di kawasan kajian, namun faktor utama iaitu curahan hujan dan suhu udara, seperti yang dilihat pada tiga stesen kajiciaca iaitu Stesen Pakkaterang, Stesen Lawawoi dan Stesen Banga-banga (Jadual 2, 3, 4, 5 dan 6 serta Rajah 2, 3 dan 4).

Pada Jadual 2, 4 dan 6, ialah purata curahan hujan, suhu udara dan indeks kegersangan bulanan selama 10 tahun (1999 – 2008) bagi ketiga-tiga stesen kajian iaitu Pakkaterang, Lawawoi dan Banga-banga. Didapati adanya perubahan jumlah curahan hujan, suhu udara dan indeks kegersangan pada setiap bulan. Sementara itu, Jadual 3, 5 dan 7 menunjukkan nilai korelasi ketiga-tiga stesen iaitu Stesen Pakkaterang, Lawawoi dan Banga-banga. Kaitan ketiga-tiga pembolehubah iaitu kerpasan/curahan hujan, suhu udara dan indeks kegersangan ditunjukkan pada Rajah 2, 3 dan 4.

Berasaskan Jadual 2, 4 dan 6 didapati indeks kegersangan yang tinggi terjadi pada bulan Ogos, September dan Oktober. Pada bulan-bulan tersebut diperhatikan juga kadar suhu udara yang tinggi dan sebaliknya berlaku jumlah curahan hujan yang paling rendah. Keadaan ini bertepatan dengan nilai korelasi negatif yang sangat signifikan antara pembolehubah curahan hujan dengan indeks kegersangan,

sementara itu, nilai korelasi positif yang sangat signifikan antara suhu udara dengan indeks kegersangan (Jadual 3, 5 dan 7). Hubungan antara pembolehubah ini dapat diperhatikan pada Rajah 2, 3 dan 4.


Jadual 2. Data Indek Kegersangan, suhu dan kerpanan di Stesen Pakkaterang

Bulan	Indeks kegersangan (%)	Suhu (°C)	Kerpanan (mm)
Jan	0.0	26.29	206.1
Feb	0.0	26.27	183.6
Mar	14.38	26.60	126.7
Apr	67.64	26.76	87.6
Mei	87.16	27.12	63.1
Jun	68.51	26.61	54.3
Julai	68.22	26.42	44.4
Ogos	109.32	26.80	6.4
Sept	108.16	27.08	1.8
Okt	88.73	27.47	19.1
Nov	29.62	26.88	80.9
Dis	0.0	26.20	176.3

Jadual 3. Nilai korelasi antara curahan hujan, suhu udara dengan Indek Kegersangan di Stesen Pakkaterang

	P	T	Ia
P	Pearson Correlation Sig. (2-tailed)	1 ,004	-,755** ,000
T	Pearson Correlation Sig. (2-tailed)	-,755** ,004	1 ,006
Ia	Pearson Correlation Sig. (2-tailed)	-,946** ,000	-,741** ,006
	N	12	12

** Correlation is significant at the 0.01 level (2-tailed)



Rajah 2. Hubungan antara Indeks Kegersangan, suhu udara dan curahan hujan di Stesen Pakkaterang


Jadual 4. Indek Kegersangan, suhu dan kerpanan di Stesen Lawawoi

Bulan	Indeks kegersangan (%)	Suhu (°C)	Kerpanan (mm)
Jan	0.0	27.26	176.9
Feb	0.0	25.16	178.2
Mar	0.0	25.16	179.7
Apr	0.0	25.26	194
Mei	0.84	27.56	139.3
Jun	5.88	27.26	124.7
Julai	21.28	26.86	108.4
Ogos	42.91	26.76	38.4
Sept	41.71	27.26	37.6
Okt	81.12	25.36	96.2
Nov	0.0	25.46	164.5
Dis	7.25	25.26	57.5

Jadual 5. Nilai korelasi antara curah hujan, suhu udara dan Indek Kegersangan di Stesen Lawawoi

	P	T	Ia
P	Pearson Correlation	1	-,645*
	Sig. (2-tailed)	,325	,024
	N	12	12
T	Pearson Correlation	-,311	,038
	Sig. (2-tailed)	,325	,905
	N	12	12
Ia	Pearson Correlation	-,645*	1
	Sig. (2-tailed)	,024	,905
	N	12	12

*: Correlation is significant at the 0.01 level (2-tailed)



Rajah 3. Hubungan antara Indeks Kegersangan, suhu udara dan curah hujan di Stesen Lawawoi


Jadual 6. Indek Kegersangan, suhu dan curahan hujan di Stesen Banga-banga

Bulan	Indeks kegersangan (%)	Suhu (°C)	Kerpasan (mm)
Jan	0.0	27.3	191.0
Feb	0.0	25.1	123.0
Mar	0.0	25.1	208.2
Apr	0.0	25.2	183.2
Mei	4.78	27.5	104.2
Jun	36.46	27.3	126.0
Julai	3.44	26.8	100.5
Ogos	50.46	26.7	42.1
Sept	69.06	27.3	23.4
Oct	146.88	25.3	107.5
Nov	0.0	25.4	141.9
Dis	0.0	25.2	217.3

Pada ketiga-tiga stesen kajian didapati nilai korelasi antara ketiga-tiga pembolehubah menunjukkan hubungan yang sangat tinggi iaitu pada aras keyakinan 1%. Jadual 3, 5 dan 7 menunjukkan korelasi positif antara indeks kegersangan dengan suhu udara. Hubungan ini memberi maksud bahawa semakin tinggi suhu udara maka semakin tinggi pula indeks kegersangan. Sebaliknya, nilai korelasi antara indeks kegersangan dengan curahan hujan/kerpasan adalah berkorelasi negatif yang bermaksud peningkatan curahan hujan/kerpasan menyebabkan terjadinya penurunan aras kegersangan.

Jadual 7. Nilai Korelasi antara curah hujan, suhu udara dan Indek Kegersangan di Stesen Banga-banga

	P	T	Ia
Pearson Correlation	1	-,510	-,516
Sig. (2-tailed)		,090	,086
N	12	12	12
T Pearson Correlation	-,510	1	,044
Sig. (2-tailed)	,090		,892
N	12	12	12
Ia Pearson Correlation	-,516	,044	1
Sig. (2-tailed)	,086	,892	
N	12	12	12



Rajah 4. Hubungan antara Indeks Kegersangan, suhu udara dan curahan hujan di Stesen Banga-banga

Pola taburan tahap kegersangan di Provinsi Sulawesi Selatan

Penentuan tahap kegersangan yang berdasarkan sifat kelebihan atau kekurangan air di sesuatu wilayah pada setiap stesen curahan hujan dikira dalam bentuk imbalan hidrologi. Data curahan hujan dan data suhu udara merupakan data utama pada pengiraan ini, selain tekstur tanah dan litupan bumi. Nilai daripada setiap sifat litupan tanah menggambarkan kemungkinan terjadinya kegersangan pada sesuatu kawasan.

Menurut klasifikasi Thornthwaite-Mather¹ indeks kegersangan di Provinsi Sulawesi Selatan berada pada kategori tinggi, sederhana dan rendah. Apabila dikaitkan dengan sifat iklim maka diketahui tahap kegersangan tersebut dipengaruhi oleh purata curahan hujan kawasan yang sangat rendah iaitu jumlah yang direkodkan di antara 100 hingga 200 mm setiap bulan, dengan purata suhu setiap bulan antara 27°C hingga 29°C. Umumnya, keadaan ini terjadi pada kawasan pertanian bertanah kering seperti kebun campuran, tegalan dan sawah padi yang bergantung kepada air hujan.

Berdasarkan klasifikasi iklim Thornthwaite, maka indeks kegersangan di Provinsi Sulawesi Selatan ini tergolong kepada tahap kegersangan tinggi atau kekurangan air ketara. Keadaan ini telah diperhatikan berlaku di Wilayah DAS Nolling, Padang Sappa dan sekitarnya (Palopo), Manisa, Pangkajene (Sidrap), Takalar, Bulukumba, Selayar, Pangkep, Maros, Barru, dan Jeneponto. Bagi kawasan Jeneponto, keadaan gersang atau kering sangat dipengaruhi oleh sifat geomorfologinya yang selari dengan arah angin musim timur barat, serta merupakan daerah lindungan hujan dari gunung Lompobattang. Keadaan ini secara langsung menyebabkan curahan hujan pada wilayah ini sangat sedikit dan dengan itu tahap kegersangan di Wilayah Jeneponto sangat tinggi atau kekurangan air yang amat ketara (Jadual 8 dan Rajah 5).


Jadual 8. Aras kegersangan di Provinsi Sulawesi Selatan, 1999-2008

No.	Stesen	Kabupaten	Ia (%)	Tahap Kegersangan
1	Dampang	Bantaeng	0.07	Sedikit atau tanpa kekurangan air
2	Lamalaka	Bantaeng	32.27	Kekurangan air sederhana
3	Kelara	Jeneponto	32.56	Kekurangan air sederhana
4	Padang Loang	Bulukumba	59.53	Kekurangan air tinggi
5	Gangking	Bulukumba	44.03	Kekurangan air tinggi
6	Pandang-Pandang	Bulukumba	26.32	Kekurangan air sederhana
7	BPP Malakaji	Gowa	32.21	Kekurangan air sederhana
8	L.Hasanuddin	Makassar	33.41	Kekurangan air tinggi
9	Salo Jirang	Maros	28.45	Kekurangan air sederhana
10	Minasatene	Pangkep	29.63	Kekurangan air sederhana
11	Camming	Bone	15.13	Sedikit atau tanpa kekurangan air
12	Bungoro	Pangkep	35.40	Kekurangan air tinggi
13	Padaelo	Pangkep	31.57	Kekurangan air sederhana
14	Bengo	Bone	26.04	Kekurangan air sederhana
15	S. Binangae	Barru	31.57	Kekurangan air sederhana
16	Pajalesang	Soppeng	21.36	Kekurangan air sederhana
17	Lanca	Bone	20.24	Kekurangan air sederhana
18	BPP Malanroe	Soppeng	20.25	Kekurangan air sederhana
19	Ongkoe	Wajo	34.38	Kekurangan air tinggi
20	Labbukang	Sidrap	14.56	Sedikit atau tanpa kekurangan air
21	Banga-Banga	Pinrang	25.92	Kekurangan air sederhana
22	Belajen	Enrekang	16.59	Sedikit atau tanpa kekurangan air
23	Salokarajae	Enrekang	18.63	Kekurangan air sederhana
24	Paria	Pinrang	0.62	Sedikit atau tanpa kekurangan air
25	Kaliang Patomo	Pinrang	0.88	Sedikit atau tanpa kekurangan air
26	Kaballangan	Pinrang	1.96	Sedikit atau tanpa kekurangan air
27	B. Benteng	Pinrang	0.0	Sedikit atau tanpa kekurangan air
28	Data	Pinrang	0.87	Sedikit atau tanpa kekurangan air

No.	Stesen	Kabupaten	Ia (%)	Tahap Kegersangan
29	Enrekang	Enrekang	15.11	Sedikit atau tampa kekurangan air
30	Kalosi	Pinrang	2.55	Sedikit atau tampa kekurangan air
31	Baraka	Enrekang	23.33	Kekurangan air sederhana
32	DAS Nolling	Palopo	32.33	Kekurangan air sederhana
33	Padang Sappa	Palopo	64.47	Kekurangan air tinggi
34	Toraja	Tator	11.33	2 Sedikit atau tampa kekurangan air
35	Totumbang	Tator	20.83	2 Kekurangan air sederhana
36	Ceddie	Pare-pare	11.45	2 Sedikit atau tampa kekurangan air
37	Rindingallo	Tator	17.34	1 Kekurangan air sederhana
38	Latuppa	Palopo	9.01	1 Sedikit atau tampa kekurangan air
39	Sukamaju	Luwu Utara	6.14	Sedikit atau tampa kekurangan air
40	BPP Malili	Luwu Timur	0.0	1 Sedikit atau tampa kekurangan air
41	Balease	Luwu Utara	11.74	1 Sedikit atau tampa kekurangan air
42	Mulyorejo	Luwu Utara	17.30	Kekurangan air sederhana
43	Bajeng	Takalar	33.99	Kekurangan air tinggi
44	Barukku	Sidrap	33.58	Kekurangan air tinggi
45	Bontouse	Sinjai	15.01	1 Sedikit atau tampa kekurangan air
46	Bulu Cenrana	Sidrap	33.19	Kekurangan air sederhana
47	Galesong Selatan	Takalar	47.00	2 Kekurangan air tinggi
48	Lagading	Sidrap	37.05	2 Kekurangan air tinggi
49	Mangara Bomb.	Takalar	41.15	Kekurangan air tinggi
50	Manisa	Sidrap	48.65	2 Kekurangan air tinggi
51	Marioriawa	Soppeng	20.71	Kekurangan air sederhana
52	Matajang	Sidrap	37.18	Kekurangan air tinggi
53	Pancarijang	Sidrap	51.38	2 Kekurangan air tinggi
54	Pangkajene	Sidrap	40.27	2 Kekurangan air tinggi
55	Tanru Tedong	Sidrap	32.64	Kekurangan air sederhana
56	Wala	Tator	18.92	2 Kekurangan air sederhana
57	Wellei	Wajo	29.49	Kekurangan air sederhana
58	Watang Kalola	Wajo	30.64	Kekurangan air sederhana
59	Lanrae	Barru	46.43	2 Kekurangan air tinggi
60	Mangkoso	Barru	34.10	2 Kekurangan air tinggi
61	Manuba	Barru	28.41	Kekurangan air sederhana
62	Sikapa	Barru	32.45	Kekurangan air sederhana
63	Pattalasang	Jeneponto	48.88	2 Kekurangan air tinggi
64	Benteng	Jeneponto	49.54	2 Kekurangan air tinggi
65	Mate'ne	Jeneponto	54.62	Kekurangan air tinggi
66	Pakkaterang	Jeneponto	53.48	Kekurangan air tinggi

Sumber: Hasil Olahan Data 2009.

¹ Sementara itu, bagi Wilayah seperti Takalar, Makassar, Pangkep, Wajo, Palopo didapati sering dipengaruhi oleh curahan hujan yang rendah. Faktor lainnya adalah penggunaan tanah yang sebahagian besarnya sudah merupakan tanah terbuka, terutamanya di kawasan pantai barat yang semakin lama semakin dihuni oleh penduduk sehingga banyak terjadinya perubahan pola guna tanah di mana dahulunya kawasan paya bakau telah berubah menjadi kawasan bertambak, manakala tanah pertanian berubah menjadi kawasan perumahan, perniagaan dan sebagainya. Perubahan pola guna tanah ini banyak memberi kesan kepada simpanan air tanah dan kadar larian air permukaan yang tinggi. Justeru, sifat sedemikian ini boleh menyebabkan keadaan tanah menjadi kurang air dan seterusnya boleh meningkatkan keadaan tanah menjadi kering berpanjangan. Di tambah pula, apabila suhu udara yang tinggi dalam kadar lama sehingga kelembapan udara amat rendah dan kurangnya berlaku proses sejat-peluhuan. Kesemua faktor ini mampu menyebabkan berlakunya sifat kegersangan di kawasan kajian.



Rajah 5. Pola taburan aras kegersangan di Provinsi Sulawesi Selatan

Kesimpulan

Faktor curahan hujan berkorelasi negatif dengan indeks kegersangan, bermakna semakin tinggi curahan hujan, maka semakin rendah indeks kegersangan. Sebaliknya, suhu udara berkorelasi positif dengan indeks kegersangan bermaksud ⁹ semakin tinggi suhu udara maka semakin tinggi pula indeks kegersangan.

Tahap kegersangan di Provinsi Sulawesi Selatan terdiri dari tiga kelas iaitu tahap kegersangan rendah, sederhana dan tinggi. Tahap kegersangan rendah ($< 16.7\%$) telah dirakodkan pada 15 stesen curahan hujan yang terdapat pada wilayah Gowa dan Bone di bahagian Selatan, Luwu Utara dan Luwu Timur di bahagian Utara. ¹ Sementara itu, indeks kegersangan tinggi ($> 33.3\%$) tersebar pada wilayah Palopo di bahagian utara, Sidrap dan Wajo di bahagian tengah, Makassar, Takalar, Jeneponto, Bulukumba dan Selayar di bahagian selatan manakala daerah lain menunjukkan nilai indeks kegersangan yang sederhana ($16.7 - 33.3\%$).

Fenomena kemarau ini memberi kesan yang ketara terutamanya bagi kawasan pertanian yang semata-mata bergantung kepada curahan hujan untuk dimajukan. Apabila berlaku keadaan ini maka sudah tentu menjelaskan hasil pertanian dan seterusnya menyebabkan masalah kekurangan bahan makanan bagi penduduk setempat dan juga seluruh Provinsi Sulawesi Selatan. Malahan, keadaan ini turut memberi kesan ekonomi kepada ramai para petani kerana hasil tanaman tidak dapat menjana pendapatan mereka. Di samping itu, keadaan ini boleh juga menyebabkan masalah bekalan air bersih, pengangkutan air, sektor pelancongan dan rekreasi, masalah kebakaran hutan semulajadi dan kemungkinan berlakunya masalah kemiskinan dan kebuluran (Orn-uma Polpanich, 2010).

Situasi menjadi bertambah kritikal apabila keadaan kering ini turut menyebabkan berkembangnya wabak hama belalang. Lazimnya, tanaman seperti padi akan diserang oleh belalang perosak sehingga menjelaskan hasil pertanian. Keadaan ini turut memberi kesan ekonomi ¹⁶ kepada para petani yang banyak bergantung kepada hasil pertanian. Wabak dan serangan hama belalang ini pernah dikaji dan diselidiki oleh Rosmini (2002a) di beberapa wilayah di Indonesia termasuklah di Provinsi Sulawesi Selatan.

Sungguhpun Provinsi Sulawesi Selatan ini tergolong sebagai kawasan beriklim tropika, namun oleh kerana beberapa faktor yang telah dijelaskan termasuklah faktor perubahan iklim global, fenomena kering ini tidak harus dipandang ringan dan sepi oleh pihak-pihak bertanggungjawab. Tindakan sewajarnya perlu dilaksanakan bagi menangani masalah yang dihadapi oleh penduduk khasnya para petani. Misalnya, para petani digalakkan menanam tanaman yang memerlukan air yang sedikit atau mengerjakan sawah padi dua atau tiga kali setahun (Orn-uma Polpanich, 2010). Selain itu, perlu meningkatkan lagi usaha dalam penyaluran air ke kawasan sawah melalui sistem perparitan dalam masa kemarau. Dengan usaha ini, ia bukan sahaja membantu para petani dalam mengerjakan kawasan sawah padi, tetapi pada masa yang sama mengurangkan masalah bekalan air domestik yang turut dialami oleh para penduduk.

Penghargaan

Ucapan terima kasih kepada semua yang terlibat dalam membantu kajian ini, terutamanya kepada Direktorat Jenderal Pendidikan Tinggi, Departemen Pendidikan Nasional di atas pembiayaan yang diberikan sehingga kajian ini dapat dilakukan. Selanjutnya, terima kasih kami juga kepada Rektor UNM, Ketua Lembaga Penelitian UNM berserta kakitangannya, Pemerintah Provinsi Sulawesi Selatan, Pemerintah Kabupaten/Kota seluruh Sulawesi Selatan yang telah memberikan kebenaran menjalankan penyelidikan ini dan seterusnya memberikan layanan pentadbiran dan data penyelidikan sehingga kajian ini dapat diselesaikan dengan sempurnanya.

Rujukan

- Arora VK (2002) The use of the aridity index to assess climate change effect on annual runoff. *Journal of hydrology* **205**, 164 – 177.
- Chen CC, Gillig D, McCarl BA (2001) Effects of climate change on a water dependent regional economy: A study of the Texas of Edwards aquifer. *Climate Change* **49** (4), 397 – 409.
- Chow VT (1964) *Handbook of applied hydrology*. Mc Graw Hill Book Company, New York.
- ILACO BV (1985) *Agricultural compendium for rural development in the tropics and subtropics*. Elsevier Science Publishing Company INC, Amsterdam.
- Lungu M, Panaitescu L, Nită S (2011) Aridity, climate risk phenomenon in Dobrudja. *Present Environment and Sustainable Development* **5** (1), 179 – 189.
- Nastos PT, Politi N, Kapsomenakis J (2013) Spatial and temporal variability of the aridity index in Greece. *Atmospheric Research* **119**, 140 – 152.
- Orn-uma Polpanich (2010) Drought in Southeast Asia. GEO-DRI drought monitoring workshop, May 10–11, 2010. Winnipeg, Manitoba, Canada.
- Prăvăllie R (2013) Climate issues on aridity trends of Southern Oltenia in the last five decades. *Geographia Technica* **1**, 70 – 79.
- Rosmini M (2001) *Evaluasi tingkat kekeringan daerah ledakan hama Belalang Kembara (Locusta sp) di Pulau Sumba Nusa Tenggara Timur* (Thesis Sarjana). Fakultas Geografi Universitas Gadjah Mada, Yogyakarta. (Tidak diterbitkan)
- Rosmini M (2002a) Indeks Kekeringan dan hama Belalang Kembara (Locusta sp) di Pulau Sumba NTT. *Jurnal Transpormasi* **6** (1), 7854–7874.
- Rosmini M (2002b) Indeks Kekeringan Pulau Sumba Provinsi Nusa Tenggara Timur. *Jurnal La Geografia* **I** (1), 1412–8187.
- Rosmini M (2005) Tingkat kekeringan Kabupaten Jeneponto Sulawesi Selatan (Aridity Index At Jeneponto South Sulawesi). *Jurnal La Geografia* **IV** (1), 1412–8187.
- Rosmini M (2008) Studi Indeks Kekeringan DAS MallanroE Sub DAS WalanaE Kabupaten Soppang menggunakan metode Thornthwaite. *Jurnal La Geografia* **VI** (1), 1412–8187.
- Rosmini M (2009) *Model pendugaan potensi ledakan populasi hama Belalang Kembara (Locusta sp)*. Laporan Hasil Penelitian Hibah Prioritas Nasional. Direktorat Jenderal Pendidikan Tinggi.
- Rossi G (2000) Drought mitigation measures: a comprehensive framework. In: Voght J, Somma F (eds) *Drought and drought mitigation in Europe*. Kluwer Academic Publishers, Dordrecht.
- Rudiyati S (1994) Agihan Indeks Kekeringan di Daerah Istimewa Yogyakarta menggunakan metode Thornthwaite (Skripsi). Fakultas Geografi Universitas Gadjah Mada, Yogyakarta.
- Shaharuddin Ahmad (2001) *Pengantar sains atmosfera*. Penerbit UKM, Bangi.
- Shaharuddin Ahmad, Noorazuan MD Hasyim (2010) *Perubahan iklim mikro di Malaysia*. Penerbit Fakulti Sains Sosial dan Kemanusiaan Universiti Kebangsaan Malaysia, Bangi.
- Sudibyakto (1985) Evaluasi kekeringan di Daerah Kedu Selatan dengan menggunakan Indeks Palmer. (Thesis Sarjana). Fakultas Pasca Sarjana Institut Pertanian Bogor (Tidak diterbitkan).
- Thornthwaite CW (1948) An approach toward a national classification of climate. The *Geographical review* **38** (1), 55 – 94.
- Thornthwaite CW, Mather JR (1957) Introduction and tables for computing potential evapotranspiration and the water balance. *Publ.In Clim.* **X** (3). Ceterton, New Jersey.
- Tsakiris G, Vangelis H (2005) Establishing a drought index incorporating evapotranspiration. *European Water* **9/10**, 3 – 11.
- UNEP (United Nations Environment Programme) (1997) *World atlas of desertification*. 2nd Edition. LUNEP, London.
- Van Vliet MTH, Zwolsman JJG (2008) Impact od summer drought on the water quality of the Meuse River. *Journal of Hydrology* **353**, 1 – 17.

- Wang G (2005) Agriculture drought in a future climate: Results from global climate models participating in the IPCC 4th assessment. *Climate Dynamic* **25** (7 – 8), 739 – 752.
- Wang G, Minnis RB, Belant JL, Wax CL (2010) Dry weather indices outbreaks of human West Nile virus infections. *BMC Infect. Dis.* **10** (38), 1 – 7.

● 19% Overall Similarity

Top sources found in the following databases:

- 18% Internet database
- Crossref database
- 6% Submitted Works database
- 3% Publications database
- Crossref Posted Content database

TOP SOURCES

The sources with the highest number of matches within the submission. Overlapping sources will not be displayed.

Rank	Source	Percentage
1	digilib.unm.ac.id	8%
	Internet	
2	ojs.unm.ac.id	4%
	Internet	
3	nanopdf.com	<1%
	Internet	
4	pdfcoffee.com	<1%
	Internet	
5	docplayer.net	<1%
	Internet	
6	pa-palembang.go.id	<1%
	Internet	
7	sudardjattanusukma.wordpress.com	<1%
	Internet	
8	eprints.uny.ac.id	<1%
	Internet	

9	coursehero.com	<1%
	Internet	
10	archive.org	<1%
	Internet	
11	The Hong Kong Polytechnic University on 2021-11-27	<1%
	Submitted works	
12	jurnal.umrah.ac.id	<1%
	Internet	
13	University of Malaya on 2022-07-08	<1%
	Submitted works	
14	docplayer.info	<1%
	Internet	
15	gawbkt.id	<1%
	Internet	
16	Universiti Sains Malaysia on 2016-12-21	<1%
	Submitted works	
17	dspace.ucacue.edu.ec	<1%
	Internet	
18	epdf.tips	<1%
	Internet	
19	etd.repository.ugm.ac.id	<1%
	Internet	
20	hdl.handle.net	<1%
	Internet	

21	ir.amu.ac.in	<1%
	Internet	
22	bappenas.go.id	<1%
	Internet	
23	Binus University International on 2018-06-27	<1%
	Submitted works	
24	Curtin University of Technology on 2013-01-21	<1%
	Submitted works	
25	doku.pub	<1%
	Internet	
26	Universiti Kebangsaan Malaysia on 2014-03-10	<1%
	Submitted works	

● Excluded from Similarity Report

- Bibliographic material
 - Manually excluded sources
 - Manually excluded text blocks
-

EXCLUDED SOURCES

journalarticle.ukm.my	74%
Internet	
myjurnal.my	74%
Internet	
researchgate.net	14%
Internet	
ejournals.ukm.my	13%
Internet	
ejournal.ukm.my	13%
Internet	
ecc.isc.ac	6%
Internet	
ukm.my	1%
Internet	
cendekia.unisza.edu.my	1%
Internet	
ukm.edu.my	<1%
Internet	
Universiti Utara Malaysia on 2021-01-30	<1%
Submitted works	

EXCLUDED TEXT BLOCKS

GEOGRAFIA OnlineTM

Universiti Kebangsaan Malaysia on 2016-12-06

1Pusat Pengajian Sosial, Pembangunan dan Persekitaran, Fakulti Sains Sosial dan...

Universiti Sains Malaysia on 2017-05-28

Matematika

ojs.unm.ac.id

Correspondence: Shaharuddin Ahmad (email: shah@ukm

Universiti Sains Malaysia on 2018-12-14

Malaysian

Universiti Kebangsaan Malaysia on 2016-12-11

Malaysian

Universiti Kebangsaan Malaysia on 2016-12-11

Ucapan terima kasih kepada semua yang

digilib.unm.ac.id

kepada Direktorat Jeneral Pendidikan Tinggi, Departemen Pendidikan Nasional

adoc.pub

yang diberikan sehingga

digilib.unm.ac.id

Sedikit atau tanpa kekurangan airKekurangan air

digilib.unm.ac.id

Kekurangan air

ojs.unm.ac.id

Kekurangan air

ojs.unm.ac.id

Sedikit atau tampa kekurangan airKekurangan air

digilib.unm.ac.id

Kekurangan air

ojs.unm.ac.id

Kekurangan air

ojs.unm.ac.id

Sedikit atau tampa kekurangan airKekurangan air

ojs.unm.ac.id

Sedikit atau tampa kekurangan airKekurangan air

ojs.unm.ac.id

Sedikit atau tampa kekurangan air

digilib.unm.ac.id

Sedikit atau tampa

digilib.unm.ac.id

Sedikit atau tampa kekurangan air

digilib.unm.ac.id

Sedikit atau tampa

digilib.unm.ac.id